



Silvio Schmid, il director da Sedrun Pencilas SA, cun cusseglia governativa e presidenta da la regenza Barbara Janom Steiner.

FOTOS G. N. STGIER



Il schef da fracziun da la pbd Gian Michael (a san.) cun il deputà e president communal da Puntraschna Martin Aebli.



La deputada Margrit Darms ed il deputà e president da Gastro Grischun Franz Sepp Cailuori.



Er da la partida a l'apéro da Bumaun: l'antierur cusseglia governativ Reto Mengiardi ed il cusseglia governativ Christian Rathgeb (da san.).



Fieu e flomma per gieus olimpics en il Grischun: Hugo Wetzel ed Ernst Wyrsch (da san.).



Da buna luna a l'occurrè da Bumaun: Martin Vincenz, il director da Grischun Vacanzas, e cusseglia governativ Mario Cavigelli (da san.).

«Oz va tut be cun in click»

Grischun Vacanzas: Apéro da Bumaun

DA GION NUTEGN STGIER / ANR

■ **Cuminaivel en l'avegnir turistic, essemen esser optimists e da cuminanza per gieus olimpics 2026. Quai las lingias grassas dals plets tar la 30avla ediziun da l'apéro da Bumaun da l'organisaziun tetgala dal turissem grischun ier a Cuira.** En noss chantun avain nus strusch ina occurrè ch'attira uschè blera prominèza sco l'apéro da Bumaun da Grischun Vacanzas. Er ier è stada da la partida la «crème de la crème» dal Grischun per sa laschar ir bain cun rosoli, vin alv e da tuttas sorts piculezzas da mangiar. Persunas da num e pum da l'entir chantun èn vegnidas en l'hotel Marsöl a Cuira per far in viva sin il nov onn. Ina giada dapli è er stà ier il motto: vesair ed esser vesì.

Emprim apéro da Bumaun per Martin Vincenz

Beneventada è la societad illustra vegnida da *Martin Vincenz*, dapi quatter mais director da l'organisaziun turistica chantunala. Per el è l'occurrè da Bumaun cun in apéro riche stada l'emprima sco CEO da Grischun Vacanzas. Vincenz è sa mussà cuntent cun las positivs novitads retschavidas da tut las destinaziuns da vacanzas da l'entir chantun, cun esser vegnids ils giasts en rotschas, tiers la mancanza da naiv. Il director da Grischun Vacanzas ha ludà tut ils purtaders turistics, els che hajan tuts contribuì bler per che vegl e giuven sa chattian bain da Nadal fin Bumaun e quai en tuts lieus turistics dal Grischun. Cunzunt las pendicularas hajan prestà lavur exemplarica per porscher a giasts ed indigens relaziuns optimalas per ir cun skis. Vincenz è er stà

cuntent che tantas persunas han suandà l'invitaziun a l'apéro tradiziunal da Bumaun da Grischun Vacanzas.

Oz qua ed il di suentèr là

Marcel Friberg, il president da l'organisaziun Grischun Vacanzas, ha intimà ils purtaders turistics dad esser per l'avegnir optimists, crair a lur products, a la buna qualitad e dad esser anc pli innovativs. La tendèza tar nosa societad saja bain dad esser oz qua ed il di suentèr là. A quella situaziun hajan er nus da s'adattar e cunzunt far ordlonder il meglier. Il giast fettschia da preschent la ponderaziun tge vul jau vesair e far, e na, nua vul jau ir, ha accentuà Friberg. Quai saja oz la realitad e cun quella saja da viver gist en il temp da la comunicaziun digitala. Cun il dretg tgatsch e cun bler plaschair davart ils purtaders turistics vesa Friberg tuttina in bun avegnir per il turissem grischun.

Aventuras sin l'entir mund

Er per Grischun Vacanzas, per las organisaziuns turistics resta pauc auter che dad ir a la tschertga da novs giasts e quai schizunt sur ils cunfins da l'Europa. Cun plaschair ha Friberg communitgà ch'il Grischun haja quels dis gi per l'emprima giada giasts da la Tailanda e dals Emirats Arabs Unids che sajan stads sin ils skis. Il president da Grischun Vacanzas è pertschert che la concurrèza è oz fitg gronda e quai da tut las destinaziuns da vacanzas da l'entir mund. Aventuras sajan oz il grond trend e quai tar la gronda part dals giasts. Cun in sulet click saja en pauc mument pussaivel da vegnir tar infurmasziuns senza fin quai che pertutga aventuras e quai da l'entir mund. En l'avegnir hajan er ils lieus turistics da noss chantun

da dar dapli muntada a l'internaziunalitad per sa tegnair sur l'aua, ha punctuà Friberg.

Quatter puncts decisivs

A pled tar quel apéro da Bumaun è er vegnì il cusseglia governativ e schef dal departament d'economia publica, *Jon Domenic Parolini*. El ha ditg als preschents d'avair er en l'avegnir avunda curaschi, d'esser innovativs e da s'engaschar cuminaivel per tegnair pitg a las grondas sfidas en la bransch turistica. Quatter puncts decisivs ha el menziunà en ses pled. Il Campiunadi mundial da skis 2017 a San Murezzan saja l'occurrèza per il Grischun per sa preschentar da la sia meglra vart ad in public internaziunal. L'occurrèza saja ina festa en il Grischun per il Grischun, ha menziunà Parolini.

In cler «GEA»

Il cusseglia governativ e schef dal departament d'economia publica ha intimà ils purtaders dal turissem da s'engaschar a favur dad in cler «GEA» tar la votaziun dals 12 da favrer 2017 pertutgant gieus olimpics d'enviern 2026 en il Grischun. Grazia a quels saja in svilup economic pussaivel e quai per bunamain diesch onns, ha ditg Parolini. Da surventscher la sfida turistica saja be pussaivel da cuminanza, ha ditg il cusseglia governativ engiadinais. Guardar il lieu turistic vischin sco concurrèza, quai tutga al passà, dentant cun promover la collavuraziun tranter las destinaziuns turisticas ins saja sin la dretga via. Cun esser interdependent e tegnair la qualitad è Parolini persvas che er noss turissem vegn puspè a flurir ed avair pli buns temps.



L'antierur cusseglia nazional ed ils dus deputads da la pbd: Dumeni Columberg, Andreas Felix e Heinz Dudli (da san.).